

靈寶無量度人上品妙經卷之三十六

黃六

靈寶無量度人上品妙經卷之三十六 黃六

八景神合品

道言昔於朱陽天中玄極靈歌太融昌土受
元始度人八景神合無量上品元始天尊當
說是經周回十過以召十方始當詣座天真
大神上聖高尊妙行真人三元八景大神無
鞅數衆乘空而來靈雲敷華寶輿玉輶紫蓋
扶蔭神境同光瑞色交朗八道煥明七日七
夜諸天八景合映自然千神萬靈冥洞一氣
混化同輪一國地土山川林木煒燿齊鮮高

下彌漫坦平一等土皆浮異彩纏羅之色衆
真侍座元始天尊玄坐空浮萬氣穹窿洞景
瓊臺之上說經一遍諸天大聖同時稱善是
時一國男女欲念永獲斷除說經二遍達悟
至真說經三遍識用通玄說經四遍妙和元
氣一合其形說經五遍神精凝粹保鎮軀靈
說經六遍萬神結華與身齊并說經七遍三
宮帝尊朝集神真說經八遍百關固密宮府
相連死戶塞絕斷滅胞根說經九遍三部開
朗八景齊歸說經十遍神明洞合舉形飛仙

是時一國是男是女莫不傾心皆受護度咸
得長生

道言是時元始天尊說經一遍東方無極無
量品至真青景大神無鞅之衆浮空而至說
經二遍南方無極無量品至真丹景大神無
鞅之衆浮空而至說經三遍西方無極無量
品至真素景大神無鞅之衆浮空而至說經
四遍北方無極無量品至真玄景大神無鞅
之衆浮空而至說經五遍東北無極無量品
至真生景大神無鞅之衆浮空而至說經六

遍東南無極無量品至真明景大神無鞅之
衆浮空而至說經七遍西南無極無量品至
真華景大神無鞅之衆浮空而至說經八遍
西北無極無量品至真幽景大神無鞅之衆
浮空而至說經九遍上方無極無量品至真

黃六

二

合景大神無鞅之衆浮空而至說經十遍下
方無極無量品至真化景大神無鞅之衆浮
空而至十遍周竟十方無極天真八景大神
一時同至一國男女傾心歸仰欣躍而言我
等各以善因或從道業證遇福緣得居此天

獲覩天尊說此八景神合之法上真至化之
道非我衆等素所知聞今當聞者必獲位進
上真備契玄理而我等昔來未聞此道不識
八景神合之妙豈能超合混元大道之宗於
是來詣天尊請聞至教有如細雨密霧無軼
之衆迨國一半土皆偏陷非可禁止是時元
始天尊周覽十方垂顏凝顧揮五明羽扇徐
啓玉音彰明法要開顯太極一氣分化判為
三辰離為八景八景者八方光景自然之神
也天之八景有三部以隸三元人之八景有

三部以隸三閑故三部八景二十四真為上
道之高靈修用其道使八景之氣與已神合
則混合百神聚為帝一散為千真立成高仙
也天之八景上元八景在玉京蕭臺中元八
景在太微紫宮下元八景在崑崙之室人之
八景上合泥九中合絳宮下合丹田各有名
字大小服色所居之處能招天景以合人神
八景之靈混與神合則為高真矣其旨要玄
妙虛明洞徹清靜明照專此八事而修此道
無不克臻此八者八景之德性也兆知勤此

陽精八景真神之道則八景之神自降於子
授子洞玄長生之真仙矣大衆于時聞是語
已再拜稽首願盡至言以教未悟今日慶幸
獲聞妙法波我沈賸三請不止於是元始化
一元精狀如朱日寶華熠燿在空玄之中去
地九丈元始登引天真大神上聖高尊妙行
真人十方無極八景大神無鞅數衆俱入朱
日之中天人仰看惟見勃勃從寶華中入既
入其中不知所在國人廓散地還平正無復
歎悖元始即於日華之內說經都竟衆真監

度以授於我當此之時喜慶難言法事粗悉
諸天復位倏歛之間寂無遺響是時天人遇
值經法普得濟度全其本年無有中傷傾土
歸仰咸行妙心合道合虛合无合神合明合
景合照合清合玄合妙情無妄偽性備天真
齊同慈愛異骨成親國安民豐欣樂太平經
始出教一國以道預有至心宗奉禮敬皆得
度世

道言元始天尊說經中所言並是諸天上帝
內名隱韻之音亦是三部人景內諱百靈之

隱名也非世之常辭兆能長齋修誦八景神
合與天爲一七世滅歿胞戶閉塞上聖已成
真人通玄究微能悉其章誦之十過諸天遙
唱萬帝設禮心源澄寂害氣消沉洞合人景
神真內盈羣魔束形鬼精滅爽迴屍起死白

黃六

四

骨成人至學之士誦之十過閑八景挾衛三
元稽首魔精喪眼鬼袂滅爽濟度垂死絕而
得生所以爾者學士穢氣未消體未洞真存
召八景功未克全天政德可伏除魔試却滅
災患但不死而已不能更生輕誦此章身則

被殃供養尊禮門戶興隆世世昌熾與善因
緣萬災不千神明護門斯經尊妙獨步玉京
度人無量爲萬道之宗巍巍大範德難可勝
道言凡誦是經十過八景齊降殃注斷滅億
曾萬祖幽魂苦爽皆即受度上升朱宮格皆
九年受化更生得爲貴人而好學至經功滿
德就皆得神仙飛昇金闕遊宴玉京也上學
之士修誦是經智慧開明舍光育英八景神
合道契玄庭皆即受度飛昇南宮世人受誦
則身中八景固律死門天中八景下合兆形

神景齊會得道成真延壽長年後皆得作飛
升之道魂神變鍊不經地獄哀惱常保孩嬰
遊行太空此經微妙普度無窮一切天人莫
不受慶無量之福生死蒙惠上天所寶不傳
下世至士齋金寶效心盟天而傳輕泄漏慢

黃六

五

殃及九祖長役幽官侍經五帝玉童玉女各
二十四人營衛神文保護受經者身

道言正月長齋誦詠是經上部八景降兆神
庭泥丸玄堂七祖超遷度上南宮七月長齋
誦詠是經中部八景與兆合并黃元混一天

地同靈身得神仙諸天書名青籙紫簡舉形
飛仙十月長齋誦詠是經下部八景固兆生
根真精鍊化萬炁結神僊輪太霄遨遊上清
億世含歡浩劫齊齡八節之日誦詠是經八
景神合超登玉京得爲上清真人本命之日
誦詠是經三部八景二十四真混變嬰兒錦
衣繡裙列坐泥丸身宮之中魂神澄正萬炁
長存百關受鍊身有光明三界侍衛五帝司
迎萬神朝禮書名上天功滿德就飛昇上清
道言行道之日皆當香湯沐浴齋戒入室

東向叩齒三十二通上聞三十二天心拜
三十二過閉目靜思身坐八色雲氣之中
內外翳冥有青龍白虎朱雀玄武獅子白
鶴羅列左右二十四真來到兆前日月照
明洞煥室內項生圓象光映十方如此分

明密呪曰

無上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經無量度人願所啓上徹

徑御

無上三十二天元始上帝至尊几前畢

引炁三十二過東向誦經

元始無量度人上品妙經

黃六

天

元始洞玄靈寶本章八景神合上品妙首十
回度人八景隱韻離合自然帝氣元真幽寥
高宸冥漠之始空洞靈宗分化結形敷鎮百
關三宮布列纏絡迴環混變上境合鍊精根

無神不光無神不明無神不立無神不成無
神不度無神不生是謂妙極天中之尊玉闕
明堂流珠玄丹上衝華極巍峩崐崙紫文纏
羅輝煥交騰下通中黃絳宮之門臍元幽室
瓊房之田八景神氣周用迴旋中有三部八
景二十四真之神中有虛明通徹清靜光照
之君中有南極長生大帝君中有東極青華
帝君中有度世司馬大神中有好生韓君文
人中有南上司命司錄延壽益算度厄尊神
迴骸起死無量度人今日校錄諸天臨軒

東方無極一景天虛神王長生大聖無量度

人

南方無極二景天印神王長生大聖無量度

人

西方無極三景天曜神王長生大聖無量度

黃六

七

人

北方無極四景天玄神王長生大聖無量度

人

東北無極五景天符神王長生大聖無量度

人

東南無極六景天光神王長生大聖無量度

人

西南無極七景天姥神王長生大聖無量度

人

西北無極八景天真神王長生大聖無量度

人

上方無極三部總真天慧神王長生大聖無

量度人

下方無極三部神合天順神王長生大聖無

量度人

十方至真三部八景神王長生度世無量大
神並乘華雲流霄寶輿玉駢紫蓋霞輪驂駕
素靈神虎蒼精妙龍建玄元之節洞景朱幡
前詠三辰華曲後參五曜真歌青鸞翠鳳鳴
嘯相和高仙啓塗玉女翼轅億乘萬騎浮空
駕虛傾光迴駕混合人身元皇太一洞房玄
宮左持五籍右秉五符三迴九轉洞化冥无
隨景應召開朗八區凝和結氣高超太無大
魔保舉天皇授書普告十極洞府神君開釋
祖考億劫沉魂脫除罪籍散落禍根敢有停

滯烈火蕩焚身既升度上及億曾永出夜庭
復備形魂普受鍊化度品南宮朱陽紀錄仙
化成人身身受度劫劫長存隨劫流轉與天
齊年永度三塗五苦八難超凌三界逍遙上
清上清之天天帝洞昌無色之境梵行

黃六

八

東方八天

翼真元慈天

帝經角司神

洞靈開濟天

帝恬淵景虛

昭素欽宗天

帝慶嘉盡玄

輔元敢需天

帝大極右扶

玉履義常天

帝生功被蒼

神德仰真天

帝逸車婁玄

皇度禮方天

帝善回夷陽

生幟標陽天

帝主靈達華

南方八天

玉曆紀功天

帝道忻致登

雲韜素書天

帝七臯無阿

八真清明景天

帝孝儀奉仙

化及冲要天

帝烈常希真

赫丹保年天

帝妙氣承隅

洞廬朝皇天

帝絜維志聰

披臯濟靈天

帝開明度生

璇芳助月天

帝蒲都斗皇

西方八天

會氣集景天

帝昆堂抱思

黃六

朝祖欽元天

帝越康子明

擲干起威天

帝運明宥初

奮容東魔天

帝敕契頗庸

受嚴持福天

帝覺育自中

宣道招靈天

帝遜佑享成

九

啓極司化天

帝章瑤光

梵廣審清天

帝寅熙融神

北方八天

披真恭慶天

帝昊蕭紫琚

錫離崇用天

帝鐸時勤

應化成功天

帝渝塘雲翻

壁躔納靈天

帝魂度九王

析梁緒明天

帝仲方奇

海暎龍剛天

帝蒙長生

星井珞璣天

帝歷陟麗寧

八神合景天

帝馘化曜靈

三十二天三十二帝諸天隱諱諸天隱名天
中空洞自然靈章諸天隱韻八景之音八景
之尊八景之神八景真王八景之靈八景神
合變化上清無量之奧深不可詳敷落神真

普度天人今日欣慶受度神境爲一湛湛真
元守而勿疑位登高仙金顏玉歲虛微不窒
明識無虧通道寸不壅徹運忘機清無滯濁淨
無穢氛光華輝朗照寂自然神有八道合此
八關結化爲形錦帶龍衣神化純妙逍遙玉

階受職東華制命三官永滅衆惡斬絕胎根
塞斷死尸名列太玄三省監舉無有留難東
斗主筭西斗記名北斗落死南斗上生中斗
大魁總監衆靈青帝護魂洞景致真白帝侍
魄華景安宅赤帝養氣元景受明黑帝通血

奠六

十

慧景朗徹黃帝中主合景備列青天真王青
景化神赤天真王丹景曜明白天真王素景
混靈黑天真王玄景靜深黃天真王八景齊
輪五天真王萬神之宗飛行鼓從總領神兵
麾幢鼓節遊觀太空自號赫奕諸天齊功上

天度人嚴攝北艷神王受命普掃不祥神龍
攝毒天馬四張辟非前驅天將持幢擲火萬
里流鈴八衝敢有干試拒遏上真金錢前戮
玉斧後刑屠割鬼爽風火無停千千截首萬
萬剪形魔無干犯鬼無祆精三官北艷明檢
鬼營不得容隱金馬驛呈普告無窮萬神咸
聽三界五帝列言上清

真皇玉訣玄化混冥斡旋妙氣杳藹之中上
景非色下景非淵中景太虛冥合自然八景
神合金剛乘天天上天下無幽無冥無形無

影無極無窮二十四真周環列宮天地始成
神帝隱龍溟津大梵遼廓無光八景開圖三
部敷張元始安鎮敷落五篇赤書玉字八威
龍文保制劫運使身長存梵氣彌羅萬範開
張元綱流演三十二天輪轉無色周回十方
黃六
旋斗歷箕回度五常三十五分總氣上元八
十一
景神合氣入玄玄玄中太皇上帝高真汎景
太霞嘯詠洞章金真朗郁流響雲營玉音攝
氣靈風聚烟紫虛鬱秀輔翼萬仙千和萬合
自然成真真中有神八景玉玄神景之尊長

生大君無英公子白元尊神太一司命桃康
合延執符把籙保命生根上遊上清出入華
房八景之內細微之中下鎮人身泥丸絳宮
中理五炁混合百神十轉迴靈萬氣齊仙仙
道貴生無量度人八景飛神過度輪轉罪福
禁戒宿命因緣普受開度死魂生身身得受
生上聞諸天諸天之上各有生門中有空洞
謠歌之章八景靈篇辭參高真

第一八景神合飛空之音

天有三元氣 人有三部關 二十四真神

紫戶連青扉

上部有八景

四景居泥丸

又復四境居

在彼咽喉間

溥光與季行

幽陀及越庚

肺肺攜顛顛

玉儔引叔淵

是名四星君

保兆泥丸間

辟祆却萬邪

鬼祆母得干

喉中有四景

華華史史神

賓元與子柯

青竒伯羅君

桃闌蔚蹊子

貫列相纏綿

保兆冥運機

神合純和全

萬劫長不衰

億齡猶合歡

第二八景神合真王之章

高上雕玉軒

浮駕華景龍

遊宴三元宮

靈日光矔矔

中部有八景

侍兆生關中

能存而守之

身登玉京山

心中居四景

黃寅併景霏

詡詡連祝祝

師南與孟暉

望禹並鹿去

護衛長生麻

陽華制靈魂

固衛玄微津

四景在膽中

噓噓子張神

黃六

十二

鎮凶奉仙子

霄度禹疆君

祭暉瑤芳來

金歪瓊觴和

鎮彼天德君

永除世灾殃

八景神合一

六氣御飛翔

賜兆司命書

億載無悲傷

第三八景神合真王歌

日車雲旗三八玉佩瓊璫三九坐宴金闕

指顧搏桑樹二十四真與王頡頏

飛翥神霄踏葢華房下部八景

神名作彊生化萬靈權衡斗剛

腎中四景玄真大靈毛毛叱叱

紫還輔真月女落雲四景真人

護兆育嬰保天長存膀胱四景

公碩佃濛亭亭幻光芝仙伸逢

雄元次陽雲網內通淨府不穢

除滅鬼凶三部八景二十四童

錦衣繡裳

住北神宮

合沓如一

晝飛高冲

試為此歌

嘖彼仙公

生道眇邈

世莫我窮

兆能體之

騰翥華龍

此三界之上飛空之中真王歌音音參洞章

黃六

十三

誦之百遍名度南宮誦之千遍真王保迎萬
遍道備飛升太空過度三界位登仙公有聞
靈音真王敬形敕制地祇侍衛送迎拔出地
戶五苦八難七祖升遷永離鬼官魂度朱陵
受鍊更生是謂無量普度無窮有祕上天文

諸天共所崇泄慢墮地獄禍及七祖翁

道言此二章並是諸天上帝及八景神王隱
祕之音兆誦詠之則百神混合八景同歡抱
神成真身生羽翰皆是大梵之言非世上常
辭言無韻麗曲無華宛故謂玄奧難可尋詳

上天所寶祕於高上神霄玉清玉府東華玉
堂經室之內道君下治傳教流行若有至人
齋金寶質心依舊格告盟神霄然後而付焉
道言夫天地運度否終日月五星虧盈至聖
神人休否末學之夫疾傷凡有此災同氣皆

當齋心修齋六時行香十遍轉經福德立降
消諸不祥無量之文普度無窮

道言夫末學道淺或仙品未充運應滅度身
經太陰臨過之時同學至人爲其行香誦經
十過以度屍形如法則八景俱降真神合并

左飛右伏神行氣谷乍合乍離景與神冥朽
者更新隋者復支魂神徑上南宮隨其學功
計日而得更生輪轉不惑便得神仙

道言夫天地運終星宿錯度日月失昏四時
失度陰陽不調國境生災疫毒流行兆民死

傷師友命過同學非殃亦當修齋行香誦經
夫齋戒誦經功德甚重上消天災保鎮帝王
下禳毒害以度兆民生死受賴其福難勝故
曰無量普度天人

道言凡有是經能為天地帝主兆民行是功

黃六

十四

德有災之日發心修齋燒香誦經十過皆諸
天記名萬神侍衛右別至人克得為聖君金
闕之臣諸天記人功過毫分無失天中真王
亦保舉爾身得道者乃當洞明至言也

諸天中大梵隱語無量音

道君譔

元始靈書八景神合內篇

亦和與東方八天

一恥明規般

蔣籍濤外

變維宏珂

曆展攸最

彰谿濱义

儀渤窈粹

靈敞懷堂

保嘉瑤位

卓評靜魔

墀騫扶頗

緣演定足

優杜頻羅

邈川洪嗣

幽涂亟魔

謁關領仙

格降越和

南方八天

緣祈嗤南

迓梢宵貝

丁河宰池

遭翺离銳 甲靈梵除 清宣網沛

彭都牢難 約箕亨會 處昌倫房

九俞蘭穉 智澄雲瑤 力濟奧類

耿參玄地 運魂巢燔 孽吠顛騰

揚旗東轅

西方八天

黃六

十五

武堅迎邦 捐暉隗方 寧緒岨芷

寃清紀皇 持扇曜陲 伊那妙光

鈕乾祕賓 寧孤極良 障彬越都

秦鈞覩剛 翳眇熾掇 奚枚魯航

祝陀桓鈞

洙機翹倫

亮古忠悌

允鄙戚羣

北方八天

賁融技傍

珏傴温類

延搜毗芒

淵嚴詹音

寂相據育

還微聊源

通隅蕭頂

權著靈隨

蠢孳羅合

玉神飛圖

滑瀛佐丘

直充綺烏

略靜邊适

瑋瑄來虛

逸澄俯汀

赭巖稽符

道言此諸天中大梵隱語無量之音舊文刻

記龍山北岡之室以調正三元為洞真之宗
高仙真人皆銘誦佩服以交八景之神真氣
流布諸天下及世間皆仙官真璧玉女醮煙
樂御羣靈災厄莫千字皆廣長一丈天真皇
人昔書其文以為正音有知其音能齋而誦
之者諸天皆遣飛仙玉郎八景大神下觀其
身書其功勤上奏諸天萬神朝禮地祇侍門
大功真王保舉上仙八景道備尅得遊行三
界升入金門此音無所不辟無所不禳無所
不度無所不成天真自然之音也故誦之致

飛天下觀八景遙降萬神朝禮三界侍軒羣
袂束首鬼精自亡琳琅振響十方肅清河海
靜默山嶽吞煙萬靈振伏招集羣仙天無氛
穢地無袂塵冥慧洞清大量玄玄也
元始無量度人上品妙經卷之三十六



